

Meinir Wyn Roberts

Soprano

Artist Manager: Sioned Jones

sioned.jones@harlequin-agency.co.uk



Graddiodd y soprano Meinir Wyn Roberts o'r Royal Northern College of Music, Manceinion gydag Anrhydedd Dosbarth Cyntaf cyn mynd ymlaen i gwblhau gradd M.A. yn y Royal Academy of Music, Llundain. Erbyn hyn, mae wedi cwblhau'r Cwrs Opera yno, lle cafodd ei dysgu gan Lillian Watson a Jonathan Papp.

Drwy gydol ei hastudiaethau, cafodd Meinir gefnogaeth ariannol hael gan Gronfa Goffa Ryan Davies; The Seary Trust; The Hartsheath Charitable Trust; The Kathleen Trust; The Richard Stapley Trust; The Elizabeth Evans Trust; Lucille Graham Prize; Maida Jones Award; The Mills- Williams Award a Chyngor Celfyddydau Cymru.

Yn yr haf eleni, bydd Meinir yn gwneud ei début yn y rôl **Magda** yn *La Rondine* gan Puccini ar gyfer y cwmni newydd *If Opera* (Iford Arts gynt). Ymysg ei hymrwymadau eraill y tymor yma bydd dirprwyo rôl **Musetta** yn *La Bohème* ar gyfer Opera Canolbarth Cymru. Y llynedd, perfformiodd Meinir rôl **The Milliner** yn *Der Rosenkavalier* tra'n dirprwyo rôl **Melissa** yn *Amadigi* gan Handel. Bu hefyd yn unawdydd soprano yng nghyngerdd Opera Canolbarth Cymru - *Sounds of Summer - Garden Concert* ac hefyd gyda Scottish Opera ar gyfer eu taith Uchafbwyntiau Opera. Canodd Meinir rôl **Jini** ar drac sain Ffilm Operatig Gymraeg newydd yn seiliedig ar y nofel *Un Nos Ola Leuad* ar gyfer OPRA Cymru gyda cherddorfa Cwmni Opera Cenedlaethol Cymru.

Yn 2019, gwnaeth Meinir ei début yn rhan **Helena** yn *A Midsummer Night's Dream* gyda Nevill Holt Opera. Bu hefyd yn perfformio rhan **Donna Elvira** yn *Don Giovanni* gydag Opra Cymru a hefyd mewn perfformiad cyngerdd gyda Cherddorfa Siambr Covent Garden. Yn 2018, ymunodd Meinir â chorws Glyndebourne Festival Opera ar gyfer eu cynrychiadau o *Saul*, *Vanessa* a *Giulio Cesare*, a hefyd Glyndebourne Touring Opera ar gyfer eu taith yn yr Hydref, lle bu hefyd yn dirprwyo rhan **Noémie** yn *Cendrillon* i'r cwmni.

Ymysg ei rolau fel aelod o Royal Academy Opera mae'r rhan deitl yn *Alcina*, **Donna Elvira** yn *Don Giovanni*, **Minerve** yn *Orphee aux enfers*, **Tina** yn *Flight* a **Polly Peachum** yn *Die Dreigroschenoper*. Mae hefyd wedi perfformio rhannau **Agilea** yn *Teseo* gyda'r La Nuova Musica yn y London Handel Festival, **Micaëla** yn *Carmen* gyda Opra Cymru a **First Young Tree** a Chorws yng nghynhyrchiad British Youth Opera o *Paul Bunyan*. Mae ei pherfformiadau operatig eraill yn cynnwys **Colette** yn *The Drunkard Reformed* a **Fortuna** yn *Il Ritorno d'Ulisse in Patria* gyda'r Royal Northern College of Music. Mewn golygfeydd opera mae Meinir wedi perfformio rhannau **Tatyana** yn *Eugene Onegin*; **Donna Anna** yn *Don Giovanni*; **Fiordiligi** yn *Così fan tutte*; **Soeur Constance** yn *Carmelites*; **Flower Maiden** yn *Parsifal*; **Nannetta** yn *Falstaff*; **Zerlina** yn *Don Giovanni*; **Lucia** yn *The Rape of Lucretia*; **Gretel** yn *Hansel and Gretel* a **Rosalinde** yn *Die Fledermaus*.

Yn nhymor 2017/18, perfformiodd Meinir mewn datganiad yn Neuadd Wigmore, Llundain fel rhan o'r Royal Academy Song Circle Group. Mae hi'n unawdydd poblogaidd gyda chymdeithasau corawl ar draws y wlad gyda'i huchafbwyntiau yn cynnwys perfformio yng nghyngerdd agoriadol Eisteddfod Gerddorol Ryngwladol Llangollen 2017 gyda Cherddorfa Opera Cenedlaethol Cymru a pherfformio mewn Cinio Gala yng Ngŷyl Gymreig Gogledd America yn Columbus, Ohio.

Mae ei darllediadau teledu yn cynnwys perfformiadau ar 'Noson Lawen', 'Dechrau Canu, Dechrau Canmol' a 'Heno' ar gyfer S4C.

Mae Meinir wedi ennill nifer o wobrau, gan gynnwys Cystadleuaeth Llais y Dyfodol yn Eisteddfod Gerddorol Ryngwladol Llangollen 2015 ac Ysgoloriaeth W. Towyn Roberts, Gwobr Goffa Osborne Roberts – Y Rhuban Glas - ac Ysgoloriaeth Violet Mary Lewis yn Eisteddfod Genedlaethol Cymru. Tra yn y Royal Northern College of Music, roedd yn rwynd derfynol eu cystadleuaeth Medal Aur o fri; fe'i cymeradwywyd yng Ngwobr Frederic Cox ac fe dderbyniodd Wobr Goffa Elizabeth Harwood 2014 a Gwobr y Fonesig Eva Turner.

Rydym yn diweddarau'n bywgraffiadau yn gyson, felly cysylltwch â ni am y fersiwn ddiweddaraf, os gwelwch yn dda.

HARLEQUIN

Gloworks | Heol Porth Teigr | Caerdydd | CF10 4GA | +44 (0)29 2075 0821 | harlequin-agency.co.uk